

歷代大儒詩鈔卷二十

滇西趙州後學谷際岐西阿甫彙鈔

受業諸子 男鶴全校

楊子

欽定宋史道學列傳

楊時字中立南劍將樂人幼穎異能屬文稍長潛心經史熙寧九年中進士第時河南程顥與弟頤講孔孟絕學於熙豐之際河洛之士翕然師之時調官不赴以師禮見顥於穎昌相得甚懽其歸也顥目送之曰吾道南

歷代大儒詩鈔

卷二十

楊子

采蘭堂

矣四年而顥死時聞之設位哭寢門而以書赴告同學者至是又見程頤於洛時蓋年四十矣一日見頤頤偶瞑坐時與游酢侍立不去頤既覺則門外雪深一尺矣關西張載嘗著西銘二程深推服之時疑其近於兼愛與其師頤辨論往復聞理一分殊之說豁然無疑杜門不仕者十年久之歷知瀏陽餘杭蕭山三縣皆有惠政民思之不忘張舜民在諫垣薦之得荊州教授時安於州縣未嘗求聞達而德望日重四方之士不遠千里從之游號曰龜山先生時天下多故有言於蔡京者以為

事至此必敗宜引舊德老成置諸左右庶幾猶可及時
宰是之會有使高麗者國主問龜山安在使回以聞召
爲祕書郎遷著作郎及面對奏曰堯舜曰允執厥中孟
子曰湯執中洪範曰皇建其有極歷世聖人由斯道也
熙寧之初大臣文六藝之言以行其私祖宗之法紛更
殆盡元祐繼之盡復祖宗之舊熙寧之法一切廢革至
紹聖崇寧抑又甚焉凡元祐之政事著在令甲皆焚之
以滅其跡自是分爲二黨縉紳之禍至今未殄臣願明
詔有司條具祖宗之法著爲綱目有宜於今者舉而行
歷代大儒詩鈔卷二十

楊子

二 采蘭堂

之當損益者損益之元祐熙豐姑置勿問一趨於中而
己朝廷方圖燕雲虛內事外時遂陳時政之弊且謂燕
雲之師宜退守內地以省轉輸之勞募邊民爲弓弩手
以殺常勝軍之勢又言都城居四達之衢無高山巨浸
以爲阻衛士人懷異心緩急不可倚仗執政不能用登
對力陳君臣警戒正在無虞之時乞爲宣和會計錄以
周知天下財物出入之數徽宗首肯之除邇英殿說書
聞金人入攻謂執政曰今日事勢如積薪已然當自奮
厲以竦動觀聽若示以怯懦之形委靡不振則事去矣

昔汲黯在朝淮南寢謀論黯之才未必能過公孫宏輩也特其直氣可以鎮壓姦雄之心爾朝廷威望弗振使姦雄一以宏輩視之則無復可爲也要害之地當嚴爲守備比至都城尙何及哉近邊州軍宜堅壁清野勿與之戰使之自困若攻戰略地當遣援兵追襲使之腹背受敵則可以制勝矣且謂今日之事當以收人心爲先人心不附雖有高城深池堅甲利兵不足恃也免夫之役毒被海內京城聚斂東南花石其害尤甚前此蓋嘗罷之詔墨未乾而花石供奉之舟已銜尾矣今雖復申歷代大儒詩鈔

卷二十

楊子

三

采蘭堂

前令而禍根不除人誰信之欲致人和去此三者正今日之先務也金人圍京城勤王之兵四集而莫相統一時言唐九節度之師不立統帥雖李郭之善用兵猶不免敗衄今諸路烏合之衆臣謂當立統帥一號令示紀律而後士卒始用命又言童貫爲三路大帥敵人侵疆棄軍而歸孥戮之有餘罪朝廷置之不問故梁方平何灌皆相繼而遁當正典刑以爲臣子不忠之戒童貫握兵二十餘年覆軍殺將馴至今日比聞防城仍用闍人覆車之轍不可復蹈疏上除右諫議大夫兼侍講敵兵

初退議者欲割三鎮以講和時極言其不可曰河朔爲
朝廷重地而三鎮又河朔之要藩也自周世宗迄太祖
太宗百戰而後得之一旦棄之北庭使敵騎疾驅貫吾
腹心不數日可至京城今聞三鎮之民以死拒之三鎮
拒其前吾以重兵躡其後尙可爲也若种師道劉光世
皆一時名將始至而未用乞召問方略疏上欽宗詔出
師而議者多持兩端時抗疏曰聞金人駐磁相破大名
劫虜驅掠無有紀極誓墨未乾而背不旋踵吾雖欲專
守和議不可得也夫越數千里之遠犯人國都危道也

歷代大儒詩鈔

卷二十

楊子

四

采蘭堂

彼見勤王之師四面而集亦懼而歸非愛我而不攻朝
廷割三鎮三十州之地與之是欲助寇而自攻也聞肅
王初與之約及河而返今挾之以往此敗盟之大者臣
竊謂朝廷宜以肅王爲問責其敗盟必得肅王而後已
時太原圍閉數月而姚古擁兵逗畱不進時上疏乞誅
古以肅軍政拔偏裨之可將者代之不報李綱之罷太
學生伏闕上書乞畱綱與种師道軍民集者數十萬朝
廷欲防禁之吳敏乞用時以靖太學時得召對言諸生
伏闕紛紛忠於朝廷非有他意但擇老成有行誼者爲

之長貳則將自定欽宗曰無逾於卿遂以時兼國子祭酒首言三省政事所出六曹分治各有攸司今乃別辭官屬新進少年未必賢於六曹長貳又言蔡京用事二十餘年蠹國害民幾危宗社人所切齒而論其罪者莫知其所本也蓋京以繼述神宗爲名實拔王安石以圖身利故推尊安石加以王爵配饗孔子廟庭今日之禍實安石有以啟之謹按安石挾管商之術飭六藝以文姦言變亂祖宗法度當時司馬光已言其爲害當見於數十年之後今日之事若合符契其著爲邪說以塗學

歷代大儒詩鈔

卷十

楊子

五

采蘭堂

者耳目而故壞其心術者不可縷數姑卽一二事明之昔神宗嘗稱美漢文惜百金以罷露臺安石乃言陛下若能以堯舜之道治天下雖竭天下以自奉不爲過守財之言非正理曾不知堯舜茅茨土階禹曰克儉于家則竭天下以自奉者必非堯舜之道其後王黼以應奉花石之事竭天下之力號爲享上實安石有以倡之也其釋鳧鷖守成之詩於末章則謂以道守成者役使羣衆泰而不爲驕宰制萬物費而不爲侈孰弊弊然以愛爲事詩之所言正謂能持盈則神祇祖考安樂之而無

後艱爾自古釋之者未有泰而不爲驕費而不爲侈之說也安石獨倡爲此說以啟人主之侈心後蔡京輩輕費妄用以侈靡爲事安石邪說之害如此伏望追奪王爵明詔中外毀去配享之像使邪說淫辭不爲學者之惑疏上安石遂降從祀之列士之習王氏學取科第者已數十年不復知其非忽聞以爲邪說議論紛然諫官馮澥力主王氏上疏詆時會學官中有紛爭者有旨學官並罷時亦罷祭酒時又言元祐黨籍中惟司馬光一人獨衷顯而未及呂公著韓維范純仁呂大防安燾輩

歷代大儒詩鈔

卷二十

楊子

六

采蘭堂

建中初言官陳瓘已褻贈而未及鄒浩於是元祐諸臣皆次第牽復尋四上章乞罷諫省除給事中辭乞致仕除徽猷閣直學士提舉嵩山崇福宮時力辭直學士之命改除徽猷閣待制提舉崇福宮陛辭猶上書乞選將練兵爲戰守之備高宗卽位除工部侍郎陛對言自古聖賢之君未有不以典學爲務除兼侍讀乞修建炎會計錄乞恤勤王之兵乞寬假言者連章丐外以龍圖閣直學士提舉杭州洞霄宮已而告老以本官致仕優游林泉以著書講學爲事卒年八十三諡文靖時在東郡

所交皆天下士先達陳瓘鄒浩皆以師禮事時暨渡江
東南學者推時爲程氏正宗與胡安國往來講論尤多
時浮沉州縣四十有七年晚居諫省僅九十日凡所論
列皆切於世道而其大者則闢王氏經學排靖康和議
使邪說不作凡紹興初崇尚元祐學術而朱熹張栻之
學得程氏之正其源委脈絡皆出於時子迪力學通經
亦嘗師程頤云

欽定國子監志元至正二十二年封吳國公贈太師始予

於鄉明宏治八年從祀封將樂伯

歷代大儒詩鈔

卷三

楊子

七

采蘭堂

國學禮樂錄明孝宗宏治八年追封將樂伯詔從

祀

孔子廟庭嘉靖九年改稱先儒楊子

國朝因之

詩

謹案龜山先生集四十二卷自卷三十八至四
十二載詩五古三十九首七古附長短句共二
十三首五律三十五首七律四十九首五排一
首七絕九十三首俱分體總詩二百四十首今
鈔一百十五首

五言古風

此日不再得示同學

此日不再得。頽波注扶桑。躑躑黃小羣。毛髮忽已蒼。願
言媚學子。共惜此日光。術業貴及時。勉之在青陽。行己
慎所之。戒哉畏迷方。舜跖善利閒。所差亦毫芒。富貴如
浮雲。苟得非所臧。貧賤豈吾羞。逐物乃自戕。駢胝奏艱
食。一瓢甘糟糠。所逢義適然。未殊行與藏。斯人已云沒。
簡編有遺芳。希顏亦顏徒。要在用心剛。譬猶適千里。駕
言勿徊徨。驅馬日云遠。誰謂阻且長。末流學多歧。倚門
歷代大儒詩鈔

卷二

楊子

八

采蘭堂

誦韓莊出入四寸閒。雕鏤事辭章。學成欲何用。奔趨利
名場。挾策博塞游。興趣均亡羊。我懶心意衰。撫事多遺
忘。念子方齟齬。壯圖宜自彊。至寶在高低。不憚勤梯航。
茫茫定何求。所得安能常。萬物備吾身。求得舍卽亡。鷄
犬猶知尋。自棄良可傷。欲爲君子儒。勿謂予言狂。

謹案楊子此日不再得一詩雖亦涉理路而
中間辭旨警醒透快足使人怵心慮心豈復
有一毫理學陳習彼以儒詩爲不如作語錄
者尚宜深思而熟復之

嚴陵釣臺

漢網久陵遲。國柄授權室。中興得英主。威明戒前失。三

公經邦手吏事困精覈功臣欲圖全猶不任以職況茲
故人分義等天倫戚卓哉子陵心秉哲固前識投身參
名爵豈得枉尋尺萬鍾雖云富樊雉非予匹石瀨清且
泚蒼崖聳而直揭竿事幽尋釣水鮮可食羊裘御冬溫
袞繡未云益三旌屠羊肆義在不吾易用舍各有趣高
風亘今昔

藏春峽

六咏有序

國華先生得幽谷於劍水之東去其所居僅一
里餘負山之巔闢地西向爲堂名曰咏歸堂堂

歷代大儒詩鈔

卷二十

楊子

九

宋蘭堂

下有亭曰老圃亭之前有跡穿數畦其南北有
二茅亭南植梅數株名曰暗香北種紫竹數竿
名曰虛心又其南有一石竇其下可容數人名

曰容照巖合而名之藏春峽

其暗香亭以下四咏見七言絕句類

結廬東山阿屹然俯全閩下有黃龍淵浮光抱層雲彼
美谷口翁杖策來徃頻明月自爲友顧影相爲鄰擷芷
佩芳蘭不與麋鹿羣虛堂發輝素黃卷日相親采薇毛
晨羹弋鳧侑清樽曝日負岩竇爲課童浴溪瀆微吟曳
雙屐踏破青苔紋歸與自樂只此意將誰論點狂聖所

與聊欲繼餘芬

右詠歸堂

昔君居隱鱗投竿拂珊瑚

國華故居有隱鱗洞洞前有釣臺

今來寓谷

口結亭事春鋤亭下十餘畦蔚蔚富嘉蔬野果御朱麩

蔓實垂青桴籬根有蹲鴟晨炊勝彫胡豈惟充君腹鄰

里亦厭餘流泉動地脈磽确成膏腴諒彼漢陰人假修

匪吾徒避俗柴桑翁不復嘆荒蕪卷懷經綸手治

平聲

一畝居知子非隱淪聊以寓壯圖人生出處分禮義安

可踰茲謀異樊須甘事小人儒

右老圃亭

江陵令張景常萬卷堂

歷代大儒詩鈔

卷十

楊子

十

采蘭堂

民生結繩初異宇本同體誰令四目翁破肉作瘡疖龍

龜出河洛茲理固天啟張侯瑚璉姿高步軼前軌買書

費千金充屋未云已六經滄溟渤百家雜原委中流湧

千波舉體惟一水參前有真起萬古一憑几毫端吐奇

芬溢目麗紈綺微言窺聖域妙應期得髓默坐筌蹄忘

斯文亦糠粃

江上晚步

赴荆南詩

鏡潭磨青空璧月侵江渌攬衣弄清泚炯炯月在掬冷

然適我口肝膈貯冰玉流光頃百變一玩不可復歸來

盡餘樽。醉卧媚幽獨。羲娥偶相憐。歲往如破竹。餘生枕中付。勿問黃梁熟。

荊州偶作

鄭公稽阮流。野性本麋鹿。平生傲羲皇。白首就羈束。大寒客無氈。官冷飯不足。顧予支離人。攘臂受餘粟。江魚尾盈尺。飽食勝梁肉。荆山富樵蘇。丈室有餘燠。頑疎愧前哲。所得踰往躅。談經追時好。俯仰負愧忸。流光逝不反。愁鬢日改綠。世道劫火燃。不爐乃良玉。晚交定難恃。雲雨手翻覆。官居真遽廬。束擔聊託宿。求田意雖鄙。此歷代大儒詩鈔卷下

楊子

十一 采蘭堂

聽布穀

次韻何吉老遊金鑿寺

榮名嗟何爲。病木自生癭。彭殤一夢覺。烏用論久頃。寄身淵明廬。翛然在人境。衛生鄙樊雉。放浪任流梗。相忘到形影。世累不須屏。判鍼聊自管。寧復事干請。負暄有餘燠。蓬鬢亂垂頸。客來坐無氈。誰顧廣文冷。忽聞過吾門。冠屨不暇整。邀我招提游。並轡相與騁。僧關叩禪寂。未語心已領。並游皆韓徒。辭刃淬鋒穎。多聞富如坻。吾

方拾遺秉顧慙管窺陋未覩豹文炳謬追俊游後如渴
得甘井願從借金篋爲割眼中膏鼻端墜漫久妙質愧
非郢賡酬困詩律恐坐杜陵瘡相攜上層崗出戶畏深
窵每虞參也魯跬步輒三省遲回月初上雲間掛金餅
昏鴉鳴相呼更覺林逾靜湖光湛星漢渺渺天水永歸
蹊暗塵土回首失清景角聲下譙門歸步怯脩嶺晚市
人迹稀青燈耿疎影

金鑿有退之題名
故有韓徒之句

送趙循道赴都講

南陵人

鳳山鬱崔嵬下有千頃陂

南陵鳳山大
農陂海田千頃

峻極不可攀

歷代大儒詩鈔

卷二十

楊子

三

采蘭堂

浮光亘長髻晦冥滴風雨澄澹含環竒吸呼入君懷萬
態羅心脾吐辭麗金釵煥若星斗垂竭來荆渚游紅蕖
照清漪故宮久零落一洒增餘輝惇族貴老成堯言下
丹墀浮驂駕雲帆眷然成化離長裾曳王門豈比困鹽
齏驂驪踏長阪萬里誰能羈

送胡康侯使湖南

北溟有潛鱗其廣數千里揚鬣厲東海汎汎等蜉蟻百
川競奔注漫不見涯涘寄之天地間大澤曩空耳胡侯
荆山姿妙質久礪砥飛聲動旒冕持節照湘水功名與

時會事道從此始。驂騑駕輕車。夷路道九軌。朝燕暮騰越。快意未爲喜。聖門學須彊。一簣虧可恥。擴之天地寬。於道乃云邇。爲士貴宏毅。無忘味斯旨。

戲贈詹安世

喜設兵慕耿弇之爲人故有虎牙之句

綵舟駐閭門。初與子相識。長空翥秋隼。爽氣橫八極。擗辭鏤圭璋。吐論森劔戟。鄧侯不願仕。志在書竹帛。長纓繫單于。落落蘊奇策。氣吞流沙外。意無燕然北。虎牙有餘勇。戎虜非彊敵。會當朔風勁。仗鉞控鳴鏑。老夫慙衰謝。見子徒感激。平生謬經綸。此意已寥寂。信哉功名會。歷代大儒詩鈔卷二十

楊子

十三

采蘭堂

綠漪軒

事道古難必。窮通付時命。未足爲悅戚。餘生如龜鼃。滿腹微分畢。行矣脫簪纓。翛然適吾適。安世乃司業之子年少未受官開池傍清軒。環除種蘭芷。虛明澹星漢。疎影薦鳧履。君乎試憑軒。鑑此亭下水。盪風生微瀾。風定還泚泚。悠然得真趣。吉祥永止。

鄱陽湖觀打魚

小龍廟在湖上崇寧壬午

秋高水初落。鱗介滿沙脊。浩如太倉粟。寧復數以粒。紛紛漁舟子。疑若俛可拾。橫湖沉密網。脫漏百無十。蟲蝦

雜魴鯉。駢首吐微溼。小人利口實。刀机汗鱗鬣。鯤鯨亦
狼狽。風雨移窟宅。玉淵有神祠。變化在嘘吸。胡寧飽羶
香。忍視萬魚急。幽潛不足恃。感嘆百憂集。寄謝漆園吏。
於計未爲得。

離家作二首

庚申歲作

敗葉辭故枝。驚飈送微雨。田廬向收穫。城中亟完補。游
子欲何之。道路脩且阻。俛首謝田父。予生厭羈旅。
胡馬依朔風。羣飛逐南翔。遊子方北征。朔風吹我裳。攬
轡望雲閒。夜色正蒼蒼。空羨南歸翼。幽懷增感傷。

歷代大儒詩鈔

卷三

楊子

十四

采蘭堂

枕上

小智好自私。小德常自足。自私開人賊。誤自足心有目。
瑕瑜不相掩。君子比良玉。默默枕上思。戒之在深篤。

新湖夜

平湖淨無瀾。天容水中煥。浮舟跨雲行。冉冉躡星漢。煙
昏山光澹。棹動林鴉散。夜深宿荒陂。獨與鴈爲伴。

哀鴻

哀鴻常苦飢。悲鳴垂其翼。朔漠曉霜寒。江湖晚煙冪。乾
坤一網罟。高飛亦何益。日暮無與羣。驚風暗沙磧。

縣齋書事寄張世賢 此下補鈔五古

朝衙羣吏集。戢戢同隊魚。暮衙羣吏散。翩翩若驚鳧。歸
來坐虛室。開編對璠璣。啟戶聞無人。清風入吾廬。持盃
邀明月。大嚼時與俱。跼蹐步松陰。對影聊相娛。嗟予懶
惰久。澗略與世疎。故人隔清湘。懷抱何由舒。爲問魯山
翁。此意今如何。

童氏必大亭

生前作此亭

超遙武夷翁。霞衣爛朝日。作亭依雲根。望壙茲焉息。仙
游去不反。孤邱已陳迹。身雖隸編齊。貽謀有遺則。慶流

歷代大儒詩鈔

卷三

楊子

五

采蘭堂

終必大名亭以爲識。伊昔晉公堂。三槐手親植。扶疎滿
庭陰。貂蟬映圭璧。默視天人際。召應齊呂律。閭門容軒
車。茲理固可必。終見童氏里。鳴珂聲赫奕。

送鄭季常赴大學正

修

驅車出西城。眷言與君違。北顧臨康衢。問子將焉之。赤
驥度渥洼。終當飲瑤池。成都九軌道。一躍不可追。浮塵
暗荆棘。捷徑行多迷。長風戰秋林。零霜沾人衣。青松不
改柯。期子清霜時。

寄題趙貫道後樂亭

亭在沂州新泰縣

叢祠有狐鳴。羣雛滿東州。彬彬齊魯郊。不復論軻邱。鼓
刀販繪翁。滾滾封公侯。風流日彫弊。世久俗益偷。昔時
戴經人。輟耕仍佩牛。椎埋晝行盜。閭里更相讎。趙子尉
平陽。始止惟民憂。百花爛成圍。幽禽啜春柔。問子胡不
樂。我心殊未休。威明柔彊梗。驕鷹化爲鳩。買犢解吳鑿。
身自鋤穰。廬戶無樞長。物棄不收。結亭自樂只。開編玩前
修。誰云酸寒吏。憂樂非身謀。乃知君子懷。與世異沉浮。
嗟予一漫叟。放浪猶虛舟。舞雩有清風。遺跡今在不。君
乎去此矣。欲往將誰儔。寄言春服成。尚覲一來游。

歷代大儒詩鈔

卷二十

揚子

去

采蘭堂

謝詹司業送酒

鄭公負才名。流落四十年。高視隘八荒。天寒坐無氈。忘
形賴司業。時與送酒錢。嗟予樗櫟材。擁腫世所捐。云何
附青雲。拜賜追前賢。開壺對青樽。內愧顏覲然。公乎廊
廟姿。直幹上參天。袷服羣娃宮。不虞妬爭妍。驕騶誤一
蹶。萬里終騰騫。朝燕暮刷越。駑馬安能先。玉瑩本無瑕。
寧須事磨鐫。宣室久虛席。茲行定詳延。陋儒氣填臆。感
慨聊自宣。辱惠不知報。弦歌成短篇。

富侯荆山姿。落落混燕石。鑄磨經世故。不磷乃天質。軒
裳儻來寄。既去寧須戚。驂驅走長坂。一跌未爲失。秦庭
謬瑕疵。睨柱終完璧。君子有遠懷。事道先器識。千鈞等
鴻毛。始見烏獲力。行矣各勉旃。他時賴三益。

送向和卿還京

子韶

江湖多秋風。愴恍夜不眠。念子將北歸。起視明星懸。君
乎翠蚪姿。聳身蒼梧淵。高步隘八區。凌風上青天。妙質
蘊荆璞。寧須事磨鑄。贈言以爲別。妄意追前賢。聖言乃
常珍。含咀真味全。奇辭暫時好。過眼如飛煙。潔身忌廉
歷代大儒詩鈔

卷三十

楊子

十七

采蘭堂

察觸物冥虛。船吾方病羸。藹市藥還自憐。明日隔長陂。
相望空惘然。

過漢江

西極鼇足折。東南地維傾。衆流競趨下。洶漠歸滄溟。誰
能跨明河。挽此經天行。世難乘槎翁。此意終冥冥。

別西齋諸友

浮雲如積酥。涼飈勁絃疾。溶溶渺天末。飄忽易相失。懸
弧四方志。匏繫非予匹。平生結歡久。始願膠投漆。別離
傷素懷。此身任萍迹。

七言古風

酬林志寧

志寧從學河南二程先生

君不見昔時卜年公。拆龜食墨灑澗東。伊流洛水環紫宮。廣輪千里天地中。真人一往不復見。鼎湖弓劍空遺蹤。陰陽所交風雨會。和氣自古生英雄。邇來百千歲。零落多奇窮。鳴臯少室崢嶸倚天闕。下有回淵萬仞蟠雙龍。蒸雲結雨氣濛濛。惟有蒼髯紫頰包元珠。時發光燄凌煙。成周太平鬱餘策。但令洙泗生清風。羨君妙齡有僊骨。乘槎暗與天潢通。萬里不一息。去若孤征鴻。決

歷代大儒詩鈔

卷二

楊子

十八

采蘭堂

開銀河浪分出一派。懸秋空。顧予山野姿。未老心已慵。謬從君子游。營道術。偶同有如退之與東野。自慙青蒿倚長松。感君惠然抵山谷。開設冰雪清吾胸。高堂黑髮顏如童。未須念此心忡忡。幸有山前清泉水。冷可酌與君啜。甘茹草忘春冬。

題贈吳國華釣臺

國華自作記不取嚴陵

君不見釣璜溪上白髮翁。一竿西去追冥鴻。田車同載非羆熊。鷹揚烈飛如颺風。又不見羊裘石瀨垂綸叟。爽槩凌天動星斗。萬乘故人親訪求。卧對鑿興忍回首。聖

賢遇合自有時。潔身亂倫非所知。高風寥寥古已往。較然得失知者誰。君有釣臺臨橘水。橘溪不與桐溪比。收身欲攝涓老蹤。笑撫長髯照清泚。澄潭夜月光浮撒。波短艇。泔汀洲。長繩巨石不能繫。飛帆片席歸蓬邱。巨鉤沉餌牽九牛。一釣直掣金鰲頭。脩鱗擺鬣浪山起。雲鵬飛翻忽千里。跨雲憑翼上青冥。一點孤光廁箕尾。

入山行

蒼崖峭立青天涯。古徑蕪沒澗清溪。深林四合晝亦暝。寂寂惟有哀猿啼。野人心形灰死如槁木。山禽見之猶慙代。大儒詩鈔卷下
楊子
九
采蘭堂
驚飛因嗟太古不可復。我無機械胡相疑。

假山

衡湘側南二千里。清淑之氣常蜿蜒。蟪蛄丹沙玉石氣所感。融結萬狀非磨鑄。窮源荒蹊異岱畎。不徒禹績經棄捐。苔封土蝕誰復問。嶙峋偃臥當市廛。龜山老叟見之喜。鳩徒輦置羅前軒。岩堯孤峯露仙掌。有一石如掌屹若太華青摩天。傾崖斷壑坐中見。葱蒨似玉生雲煙。初疑祖龍未死日。浮梁擬跨咸池淵。神號鬼怒驅不前。捶擊剝磷成衿圈。又疑巨人出龍伯。揭竿來自崑崙巔。連鰲合負

雲濤翻蓬壺簸蕩留平川。繫予竟日倚欄檻。矯首便欲
追靈仙。尻輪神馬自足駕。已覺兩腋風泠然。瓊臺浮游
與世隔。醉傲笑拊洪崖肩。山閒草木卽靈餌。含英茹實
資長年。悠悠廣息變今古。坐看溟渤成桑田。

寄練子安教授

憶昨吾子客上都。我獨奔走天南隅。各年未壯已多累。
誤投世網身掣拘。飄零今日偶相值。乃復咫尺不得與。
子俱人生委質金。在爐大冶鼓鑄誰。號呼惟愁踐踐走。
塵土舊業已廢成。荒蕪惜君高才卓犖與世畸。雄文洒

歷代大儒詩鈔

卷二十

楊子

二十

采蘭堂

落珠陸離。雷驚電赫。轉坤軸。風號浪擊。飛天池。珊瑚掇
榦。滄海竭。麒麟超軼。不可羈。經綸有道。世莫知。積中良
璧。始自竒。君不見扶藜隘。蓬華居。短褐甕牖。桑爲樞。
擁門軒蓋。何所慕。藜羹日飽。非癯如。又不見楊雄。寂寞
守太元。棄捐覆瓿。真可憐。折腰小吏。昔所恥。田園須賦
歸來篇。終當結屋蒼崖巔。期子相與臨。清泉投簪解帶。
謝人世。拂塵披蠹親。遺編松皴檜。老生青煙雨。餘風弄
鳴哀絃。低回野興。有真意。浮名鶴雀過。吾前結歡膠。漆
常連連。從游鹿豕。終長年。

送富朝奉還闕

紹榮字國華

君不見慶厯承平道如砥馳車八荒同一軌闕人鴟張
 怒螳臂百萬雲屯若封豕又不見朔方橫流漲天起腐
 麥蛾飛木生耳扶攜道路雜老幼操瓢溝中半為鬼關
 河日夜刁斗驚嫚書乘駟來渝平兵間持節得英傑設
 笑坐使羈長纓青社環城萬區屋發廩分曹具饘粥飢
 羸枯頰陡生光叢塚不聞新鬼哭臧孫有後天匪親問
 門容車何足論竭來灘上見猶子雄姿宛有典刑存驂
 騶已度渥洼水朝燕暮越應千里行看玉勒駕鑿輿濯
 歷代大儒詩鈔

卷二

楊子

五

采蘭堂

足瑤池從此始

遊武夷

是日泛小舟至鷄窠崖還遊中佑觀

函關崎嶇走秦鹿天下並逐爭羣雄抉雲翻空鼈足折
 黔黎竄伏如寒蛩武夷山深水清泚避世猶有高人蹤
 龍泓東注海波涌巖有投龍池世傳與海通玉女翠擁秋雲鬆玉女峰
 赤霄真骨寫虛壁通泉凡筆慙非工魏王峰前有畫鶴藏丹浮
 梁跨絕壑山間有小橋橋西有一小舟皆人跡不可到隱見似與天潢通當
 時雞犬不復見窠岸依舊煙霞籠我來秋杪月既望尚
 有幽菊埋榛叢天容洗淨雨新霽雲幕四卷清無風掀

蓬進棹窮異境。注目想見流殘紅。回船杖履躡幽徑。松竹窈窕環琳宮。翠琬溫辭耀華袞。褒詔有石刻金榜大字纏蛟龍。自憐病骨掛塵網。幔亭高會何由逢。解衣歸臥玉瑣碎。仰看明月穿疎篷。

岳陽書事

洞庭水落洲渚出。疊翠疎峯遠煙沒。重樓百尺壓高城。畫棟沉沉倚天闕。湖光上下天水融。中以日月分西東。氣凌雲夢吞八九。欲與溟渤爭雌雄。澄瀾無風雨新霽。一日萬頃磨青銅。琉璃夜影貯星漢。騎鯨已在銀河中。

歷代大儒詩鈔

卷二十

楊子

三

采蘭堂

湘妃帝子昔何許。但有林壑青浮空。

君山世傳湘君居此因以得名蒼

梧雲深不可見。遺恨千古嗟何窮。須臾晦冥忽異色。風怒濤翻際天黑。乘陵瀨壑走魑魅。渟滴百怪誰能測。忽看舟子玩行險。更欲飛帆借風力。安得晴雲萬里開。依舊寒光浸虛碧。

過錢塘江迎潮

銀潢翻空際天白。鯤怒鵬騫海波擊。湧雲噫氣聲怒號。萬馬馳車隨霹靂。低昂上下如桔槔。頃刻性命輕鴻毛。齊囊負笈有夷路。一日何事常千艘。因思羊腸盤九坂。

攀援蜀道愁狃獠。人生觸處有萬險。豈必此地多風濤。
願言夷險不須問。莫負對酒持霜螯。

觀獵

貂裘白馬誰家子。擁戟弦弧囊勁矢。寒身欲與鳥爭飛。
觸處塵埃雲四起。長繩驅逐狐兔驚。驕鷹掣臂流雙睛。
飛揚雲間電光閃。旋復草際無遺生。鷲腸久厭鮮肥餌。
顧盼方能伺人意。但矜鼎俎有餘甘。貪饕誰憐矜生類。
安得淑氣回嚴秋。徐令困拙同鳴鳩。林閒百鳥恣孳乳。
雖欲擊搏知無由。

大儒詩鈔

卷三

楊子

三三

采蘭堂

寄范正甫

時討西夏

羈窮莫厭如牢圈。從古功名出屠販。男兒不負懸弧心。

馬革裹尸猶足願。君不見淮陰寄食飢貧叟。

一作竊瓜
寄食淮陰

叟。胯下英風亦何有。逢時吐氣雷電奔。金印纍纍大如

斗。玉門晝夜羽檄驚。睥睨欲壅天都城。叩關虎士鬱餘

怒。科頭奮戟如鵬鷹。君從壯年蘊竒策。未宜縮首藏柴

荆。昔人投筆真豪英。慨然萬里終成名。南山白額雖欲

老。百獸遭之猶裂腦。

吳子正招飲時權酒局不赴作詩戲之

寒爐火冷浮青煙。勁風刮面如戈鋌。凝陰不動天欲雪。
竟日兀兀成拘攣。廣文才名四十年。天寒坐客猶無羶。
參軍官小技能傳。寂寞冷坐誠宜然。忘形杜老偶相覓。
傳呼歌舞開華筵。嗟予簡書固可畏。不得對飲簷花前。
謾有糟漿逆人鼻。汝陽口角空流涎。可能更似蘇司業。
只與時時送酒錢。

寄題環翠樓

記云唐君作此樓以奉親

方壺七萬神鷲連。瓊臺縹緲居靈仙。鯨翻海運成桑田。
異境誰使夸娥遷。鉅鋒四面蒼圭圓。巨靈巧以青瑤鐫。

歷代大儒詩鈔

卷三

楊子

三四 采蘭堂

掾風洗雨淨娟娟。娟脩眉浮空秀爭妍。清溪回旋瀉幽泉。
下有澄瀾湛洞淵。繡楣雕欄欲飛翻。凌切漢道摩星躔。
恍如直跨須彌巔。琉璃凝光圍四天。喜君妙齡謝世喧。
萱堂慈顏白盈顛。兒童牽衣戲蹠踉。優哉此樂誰與先。
嗟予昔以三釜懸。投身世網百慮煎。今乎老矣誠可憐。
狙猿何用簪纓纏。子雲終須守一廛。誅茅結屋纔數椽。
薜衣雜佩紉蘭荃。手披白蟬玩青編。春暉不報常欲然。
雖有至樂安能全。

晚雨

斷霞明滅天日黜。兩意晴暉爭好醜。溪雲冉冉無定姿。
白衣忽變如蒼狗。悲風激烈河漢翻。兩脚如麻飛霰寒。
山深氣腥豺虎亂。乾坤四合誰云寬。將溪溪上野客懶。
成癖。怯寒手。掌面如墨。把盃強吞僵立歌。閉門獨愁天
已黑。

贈醫者鄧匡

天地一氣猶冶甄。埏埴萬彙隨方圓。神刑九藏通九野。
八風中物如戈鋌。天元玉冊有遺義。探索始自三皇前。
桑君越人不世出。鑿石鍼灸誰能傳。賤工增餘損不足。
歷代大儒詩鈔卷二十

楊子

二五 采蘭堂

往往橫天殘天年。羹君妙齡踵其學。至理隨蹟常精研。
聞陰得陽以神遇。反視方術猶蹄筌。道隅葺齋卽爲餌。
車上已有長蛇懸。嗟予羸薊苦多病。雜摩丈室方蕭然。
願君速已天下疾。爲予一洗沉痾痊。

贈別蔡武子被誣得釋赴泉州錄參

此下補鈔
七古

君不見馬伏波。後車惹苒珠璣多。又不見章臺秦璧非。
有疵相如謬使秦人疑。匡章不孝通國非。世無孟子知
者誰。惜君高材兼衆美。完德從來速招毀。含沙怒欲陰
中之。剛引涇流汗清泚。輕雲捲盡天日明。容光竅穴無

潛形刮磨玉瑩冰雪凝。楚人謾費塗丹青。齊廷有鳥又不鳴。會須一舉天衢亨。北溟歛起風雷驚。脩鱗巨鬣隨波輕。不須回首顧潛鯨。好乘扶搖九萬里。奮迅六翮飛南溟。

南康值雨

廬山臥龍菴有劉道人自云百餘歲碧眼不粒食惟食柏飲水每客至必

先知之欲往見之不果故并記之

平沙漲雪青江瀆。水花照日紅生鱗。軒然五老出城表。雕玉萬仞窺長身。雲巾星弁覆華頂。飛泉漱瀑垂天紳。平生未識廬山面。碧巘橫雲望中見。江頭一夜雨銜天。歷代大儒詩鈔卷二十

楊子

三

采蘭堂

奔浪號風作悲健。朝來淤泥沒牛馬。咫尺坐論千里遠。芒鞋拄杖掛塵屋。神馬尻輪歛飛轉。臥龍菴前碧眼翁。日飲山潦滄溪松。神融氣合入荒外。此心炯炯宜先通。未須勒移卻俗駕。會應一洗塵寰空。寄言歸侍壺邱子。他日來游當御風。

寄游定夫

憶昨相逢鳳山址。駒隙駉駉餘半紀。君趨烏府近清光。陸海驚濤漲天起。雲帆大舸半催溺。巖岸得全誠偶爾。我時捧檄赴京渚。放浪江湖一浮蟻。設書考古老無用。

哺吸糟醜咀糠糝東歸雖復有民社爲米折腰良可恥
市朝紛紛眞羿鼓朔幹燕弧不容擬投身中地竟誰免
未信棘端能捍矢重樓百尺臥元龍問舍求田不須鄙
早歲結隣初有約齒豁頭童今老矣築田預想傍田廬
負耒耦耕何日始

與將樂令會飲揖仙亭

灘流斗落惟璠璣雕欄照水光如濡層巒疊嶂爭蟠紆
翠巖百尺蹲於菟何年巨人出歸墟揭竿合負神鼉趨
飄流人間時蓬壺至今猶爲僊聖居飛輶往來誰與俱
歷代大儒詩鈔卷二十
楊子
采蘭堂
下有馴雉隨雙鳧英風爽氣凌清虛楣閒新詩露珊瑚
顧余老懶與世疎欲往勾漏嗟無徒會須策轡追雲車
無使吃口嗤癯儒

五言律

過金山

還望荆吳折清江日夜流飛騰潮汐浪漂泊利名舟
湧鼉番出樓噓蜃氣浮僧窗千古意出沒看輕漚

雨寒

天幕陰雲積。蕭蕭雨正靈。泥污關市寂。水入御溝深。破
屋寒侵骨。哀絃凍絕音。更愁風力健。瘦怯不能禁。

歸鴈

天末驚風急。江湖夜思長。悲鳴愁絕塞。接翼冒清霜。澤
岸多繒弋。雲閒乏稻粱。茫然栖息地。飲啄欲何傷。

感事

世事浮雲薄。勞生一夢長。散材依櫟社。幽意慕濠梁。風
激鷹鷂迅。霜殘草木黃。投閒如有約。早晚問耕桑。

過關山

歷代大儒詩鈔

卷二十

楊子

天

采蘭堂

牢落關山路。年來倦往還。長隨流梗泛。有愧白雲閒。親
遠江天外。魂勞夢想閒。泫然遊子淚。挹盡復沈瀾。

晚泊遇雪

向曉驚風急。飄零雪滿坳。氣升雲冪冪。天遠月冥冥。寒
色終無賴。豐年謾寄聲。餽糟吾不慣。彊醉復還醒。
寒逼歸鴻急。悲鳴聲更哀。舞風斜翳日。帶月暗欺梅。平
野光初合。陰雲凍不開。無聊還殢酒。顛倒盡餘盃。

除夜感懷

臨川驛

歲律已云盡。思家日日深。二年爲客恨。千里倚門心。節

物羅樽俎。兒童學語音。眩然如在目。恍惚夢難尋。

過清溪渡

天澗江銜雨。冥冥上客衣。潭清魚可數。沙晚鴈爭飛。川
谷雷雲氣。鷓鴣傍釣磯。飄零滄海客。欺到二字有誤一帆歸。

秋日有懷寄從弟表

丁伯父憂

羈旅吾方困。哀思汝正煩。望雲愁鴈序。回首憶鴿原。北
圃蔬還盛。東軒菊想繁。飄零不相見。沾灑獨忘言。

和潭倅張朝請行縣言懷

夾道旌麾動。陰霾萬里開。霜迎威令肅。春逐馬蹄來。幽

歷代大儒詩鈔

卷三

楊子

三九

采蘭堂

壑光初滿寒。茅暖自回。仰窺嵩華質。曾未施織埃。

言溪早起

短日催征轡。聽雞踏曉霜。遠山頻入望。薄酒謾搜腸。湘
浦蓴絲滑。吳松鱸縷長。何時一疎放。把釣臥滄浪。

感事

邊徼無虞日。王師討弗庭。收功誇廟算。行險毒生靈。川
谷旌麾暗。風塵戰血腥。寥歸馬日。目斷華陽堦。
虎士冰河側。日聞刁斗驚。氣吞沙漠盡。風蕩賊巢傾。關
塞長年戍。邊塵幾日清。太平陳朽富。一旅百夫耕。

泗上聞將開

淮口平沙漲。橋鳥向日斜。微雲變蒼狗。輕浪蹙浮花。風勁回飛鴈。林喧集暝鴉。河流應未閉。遲我到京華。

鬢蓬彫欲盡。岸憤任欹斜。瘦怯重裘重。慵看細字花。凍雲穿曉日。晴樹繞飛鴉。老大驚遲暮。飄零惜歲華。

聞道河流閉。逢人每問津。天高雲幕幕。風細水鱗鱗。未種江陵橘。空思千里尊。且邀明月伴。相對解綸巾。

出京已卯歲九月

旅泊驚秋意。塵沙變客衣。明星爛河漢。殘月暗簾帷。風

歷代大儒詩鈔卷二

楊子 三 采蘭堂

柳斜斜。轉雲帆。片片飛。窮愁添別病。衰晚意多違。

漢坂船行

曲岸通幽徑。疎籬映竹斜。塢深藏吠犬。林薄露人家。石瀨魚偏美。鄰村酒易賒。祇應雲水富。自是一生涯。

湘君祠

鳥鼠荒庭暮。秋花覆短牆。蒼梧雲不斷。湘水意何長。澤岸蒹葭綠。籬根草樹黃。蕭蕭竹間淚。千古一悲傷。

太君挽辭

賢配無前古。傳家有子賢。四靈來薦瑞。一鶚已摩天。蒿

里迷長夜。悲笳慘暮煙。蕭蕭原上路。猶想駕雲駢。

鄒公輓辭二首

一伏青蒲上。三年瘴海濱。泉甘不出戶。公謫南方所居無水庭中忽湧

甘泉客醉豈無神。公在謫所忽有醉客言公將歸翌日赦至果得歸報國心長在。

知恩志未伸。公所居堂名知恩追懷垂絕語。空有淚盈巾。

舊德今誰在。彫零已不多。雲天開日月。陸海自風波。空

嘆與齡夢。難留曳杖歌。生平濟川意。無處問施羅。公嘗有與

夢齡之

冬曉

楊子

三一 采蘭堂

歷代大儒詩鈔卷二十

著瓦霜華冷。暝空曉霧均。氣昏難見日。風過易生塵。洗

硯冰紋破。憑爐火色春。莫嫌寒尚薄。雨雪更愁人。

別游定夫 此下補鈔五律

龜勉吾將仕。謀身力已分。漆雕慙未信。子夏又離羣。慘

淡交情重。間關道路勤。至言宜遠寄。孤陋願頻聞。

偶成

天遠何須問。勞生聽若何。犁鋤三畝足。栖息一枝多。白

雪寧堪冒。清時只浪過。好尋明月影。醉舞自婆娑。

臨川驛偶成

冉冉朝仍暮。蕭條官舍幽。閉門三尺雪。觸物一虛舟。蟲
蠹生涯盡。萍漂世事浮。尚思方技學。多病未能休。

臨川道上

風雨離山驛。斷橋危欲顛。去心奔逸驥。行路上青天。鴈
序江湖樂。雲歸島嶼連。悠悠遠征客。千里獨茫然。

旅舍書事

懶拙乖時尚。支離與世殊。饋漿驚御寇。避席愧陽居。觸
事紛難解。忘形色易鋤。不須修混沌。機械本來無。

泛江至土坊

歷代大儒詩鈔

卷二十

楊子

三

采蘭堂

萬頃江湖遠。孤乘一葉船。鴈飛雲外字。篷掩水中天。波
靜櫓聲息。風微帆影偏。回環聊注目。浩蕩接清煙。

又用前韻和早梅二首

楚國春歸早。寒梅處處開。月和清豔冷。天與靚粧來。東
閣詩魂動。南枝歲律回。蕭然冰雪態。無處覓輕埃。
星騎經行處。梅花忽已開。只疑春信早。先擁使旌來。嫩
萼紅初破。寒柯綠未回。凌霜半含月。皎皎絕纖埃。

五言排律

送虔守楚大夫

元祐戊辰

象緯辰心次。雄都水濁時。經天浮瑞彩。絕代出英姿。厚
德千金壁。虛懷萬頃陂。霜蹄來漢苑。雲翮上天池。籍籍
才猷美。皇皇使節馳。飛書騰衆吻。橫策寘通途。剖竹章
流遠。還車蜀道巖。除成都憲以臺章罷得度守秦庭徒被指。趙璧本
無疵。黃霸初勤細。裴公可範規。惠流三郡俗。名掩四賢
祠。大厦資梁棟。承祧賴鼎彝。會須紆袞繡。寧久駐旌麾。
晝舫行空挽。甘棠去益思。煙波迎棹急。江柳拂橋低。賤
士行藏拙。參軍秩序卑。生涯惟蠹簡。事業付毛錐。懶惰
文園病。伶仃曼倩饑。自甘同跛鼈。未忍舍靈龜。朽質難

歷代大儒詩鈔

卷二十

楊子

三

采蘭堂

雕繪餘生辱。品題寒亥回。暖律陰壑得。晴曦終愧驪頭
賤。難酬國士知。兩行淵客淚。感激自沾頤。

七言律

登桐君祠堂

昔有隱者結廬於此人間其
姓指桐樹示之故號桐君

霜染溪楓葉。葉丹翠鱗浮。動波閒盤盤。路轉千峯表。
冉冉雲扶兩腋閒。掠水輕鷗晴自戲。凌風飛鴈暮爭還。
結廬姓字無人會。靜對庭陰一解顏。

和鄭商老下第

雨餘新惹一番愁。展轉衾寒客思悠。獻璞又添今日恨。

登科空負昔人羞。林泉水石君先到。京國風塵我尙留。
若爲浮名苦憔悴。前春行釣巨鼈頭。

送丁季深

煙含疎柳綠蒙茸。杏頰桃英入眼紅。邂逅與君逢臘雪。
飄零獨我過春風。空愁轉轂音塵遠。且寄離懷笑語中。
後夜月明人寂寂。相思那復一樽同。

遊玉華洞

蒼藤秀木遶雲庭。疊石層巒擁畫屏。混沌鑿開幽竅遠。
巨靈分破兩峯青。雲藏野色春長在。風入衣襟酒易醒。

歷代大儒詩鈔卷二

楊子

三

采蘭堂

採玉遺蹤無處問。擬投簪紱學僊經。

縣齋書事

朱顏彫盡鬢鬢髮。世路低回老益慙。偶影獨游聊自適。
設書不輟竟何堪。神爐默默金徒踊。一作天君默 螳蛭。
紛紛夢正酣。誤把此身撻世網。自纏微纒信如蠶。

次韻錢帳計

駸駸義馭定難羈。過隙跳丸日夜馳。但見光陰如掣電。
卻尋稽覽已當菴。飛黃汗血宜千里。秋鶻乘風此一時。
芝草鳳凰真美瑞。清名應有退之知。

和張倅行縣

江浮疊巘弄清輝。雲外冥鴻江上歸。擊目自多幽興在。
揮毫時見彩牋飛。應愁零雨侵星駕。好爲援戈卻晚暉。
帝室正須調鼎鼐。勒移寄語不須譏。

主簿清輝亭

黛染煙螺拂檻低。抱城流水綠逶迤。澄瀾碎影搖青鏡。
斜日流峯隱半規。坐上盈樽無俗客。壁間照夜有新詩。
登臨已動忘歸興。況復清談足解頤。

寄長沙簿孫昭遠

時以不催積欠被劾

歷代大儒詩鈔卷二十

楊子

三五

采蘭堂

陽城衰晚拙催科。闔寢空慙罪亦多。祭竈請憐君自適。
載醪祛惑我誰過。猗猗庭有蘭堪佩。寂寂門無雀可羅。
歸去好尋溪上侶。爲投纓紱換漁蓑。

安禮以宏祠見勉奉寄

吏部文章世所珍。終慙無補費精神。浮名膚外增餘贅。
薄宦戈頭寄此身。養志吾方同邴曼。設書誰復問山賓。
自憐坐頰三遺矢。衰晚那能用楚人。

和李倅游武夷

濃澹煙鬢半雨一作雨半晴。溪光初借晚霞明。鼇頭湧出三

峯秀

三層峯最爲秀拔

天漢融成一鑑清

魏王峯頂有天鑿池

粉社有誰

藏舊牒。賓雲無處問遺聲。慢亭寂寞仙何在。勾漏丹砂早晚成。

直舍大風書事寄循道

枕書無寐首空搔。萬竅噓風正怒號。雪意浮空迷遠目。月林梳影見秋毫。幽庭所藉惟荒草。妙理應須付濁醪。誰念維舟江上客。落帆千里壓雲濤。

次韻晁以道

庚寅年出京

誰能載酒尋元亮。共寄一作把無何作醉鄉。便好收身事

歷代大儒詩鈔

卷三十

楊子

三

采蘭堂

農圃不須驚世露。文章壺中日月春。長在塞上煙塵客。自忙千里同風無遠近。未分秦隴與瀟湘。

寸碧軒

隱隱遙山列畫屏。簷閒寸碧與雲平。低回席上遺簪露。彷彿牆東翠黛橫。虛景遠涵千里色。晚暉仍借一溪清。春風景物知多少。可稱收身樂此生。

感懷寄鄉友

時在處州

此下補鈔七律

漫浪人間已十年。簿書擾擾日羈纏。朱公謾有千金壁。季子初無二頃田。籬下蹲鴟餘晚實。雲間紫籥奮新絃。

淹留寸祿空回首。一望鄉關一悵然。

秋晚偶成二首

織織晚雨洗秋容。庭樹蕭然策策風。萬籟自鳴羣物外。
四時長在不言中。坐臨流水襟懷冷。臥對浮雲世慮空。
寂寞一廛吾自適。客嘲從更議楊雄。

風瓢浙瀝鬧諸隣。卻掃衡門溷世塵。天氣清明秋意態。
夜光浮動月精神。流年漸覺侵雙鬢。生理從來付大鈞。
臨水便同濠濮趣。翛然魚鳥自親人。

席上別蔡安禮

子方赴調安禮赴博羅任

楊子

三

采蘭堂

歷代大儒詩鈔

卷二

故里相看眼暫明。一樽聊此話平生。杜陵蚤被微官縛。
元亮今爲世網撈。長路關山吾北去。春風梅嶺子南征。
結鄰一作廬莫負當時約。早晚滄浪共濯纓。

書懷

駸駸塵土久方還。直道謀身力愈難。靖節每嗟嬰世網。
曼郎何意出人閒。風驚駭浪潛鱗伏。竹隱清磯翠羽閒。
好去杖藜穿蠟屐。伴雲隨月弄潺湲。

汴上

聞開月堤

天上行雲曳白衣。半銜晴日在林扉。盤花落鴈驚還起。

啄食饑鳥。越不飛。榆莢青錢。飄已盡。月堤流水。澗相圍。征途處處。塵隨眼。多病長年。與世違。

荆州書事

江湖泛泛一虛舟。去作人間浪漫游。歲晚光陰雲冉冉。畏途風雨日浮浮。萬鍾信是樊中雉。一棹聊同水上鷗。投老蠶鹽一作簿書成底事。憑誰爲種橘千頭。

千里瀕江地可毛。結廬何必故山椒。載醪不過斜川路。飲水誰同陋巷瓢。勿問雞蟲閱得失。但知鵬鷁各逍遙。黃塵滿眼僧窗靜。坐對風花意已消。

歷代大儒詩鈔

卷二十

楊子

三

采蘭堂

巖松

婆娑千尺倚巖巔。隱隱虬姿拂遠烟。尤喜地靈泉脈潤。獨愁天濶晝陰偏。孤根礙石盤彌固。直幹凌霜老益堅。臃腫不須逢匠伯。散材終得盡天年。

天寧節

祥光若水射瑤光。淑氣先春景自長。玉陛風閒飛綵綬。獸爐烟暖襲珠囊。千秋節賜綵綬珠囊。民間以此相饋遺。雲門羽鶴儀仙仗。天上蟠桃薦壽觴。已見晶輝環帝座。定應長照鼎宮傍。

傍

鼎宮傍一星。人主壽星也。

閒居書事

虛庭幽草翠相環。默坐頽然草色閒。玩意詩書千古近。
放懷天地一身閒。疎窗風度聊欹枕。永巷人稀獨掩關。
誰信紅塵隨處淨。不論城郭與青山。

望湖樓晚眺

斜日侵簾上玉鈎。簷花飛動錦文浮。湖光寫出千峯秀。
天影融成十里秋。翠鷗翻風窺淺水。片雲隨意入滄洲。
畱連更待東窗月。注目晴空獨倚樓。

過吳江

天水相涵翠有餘。玻璃萬頃接方壺。山浮晚照清如洗。

歷代大儒詩鈔

卷二十

楊子

三九

采蘭堂

風遠飛帆細。欲無漫叟未應甘。卓攄散人終欲傲江湖。
維舟況值鱸魚美。鱸疊銀絲飫腹腴。

南歸書事

浪漫人閒厭客塵。衡門長憶鎖榆枌。忘言擬盡輸人妙。
陳迹慵尋史籍文。萬里功名心獨冷。一塵耕鑿力能勤。
舊游欲問南歸趣。寂寞吾今過子雲。

七言絕

淮上獨酌

廉纖晚雨洗輕塵。天澹雲浮夜色新。賴有麴生風味好。

不須邀月作三人。

和陳瑩中子齊自警六絕 今鈔一

書前有易方知易。歷上求元恐未元。白首粉如成底事。
蠹魚徒自老青編。

宜春道上

豔杏天桃日日稀。空餘淑氣尙遲遲。誰人爲作畱春計。
莫放風花自在飛。

安西聞捷

三首 呂吉甫持節

鷹揚塞外得非熊。萬里金城一箭通。玉帳投壺隨燕豆。

歷代大儒詩鈔 卷二十

楊子

早

采蘭堂

坐看飛將縛驍戎。

將軍新擁節旄閒。紫塞雲浮豹尾斑。白首邊城休悵望。
馬蹄未出玉門關。

雅歌不待來天馬。謝質今應閉玉門。早勒勲名上彝鼎。
放回春色滿乾坤。

偶成

綠鬢潛驚老境催。更憐衰晚困低回。但知周道平如砥。
莫問瞿唐濫頽堆。

悠揚春夢成幽興。冷落溪光醒酒魂。天濶雲浮遮不盡。

浪平風過香無痕。

欽定四庫全書載龜山集四十二卷提要云集自書奏表劄經解講義史論記序啟跋語類答問策問辨書雜著哀辭祭文狀述誌銘詩皆備時受蔡京之薦雖朱子亦不能無疑然其後卽力持公論上欽宗疏譴京與王黼之亂政而請罷王安石配享則非黨附矣又於靖康被兵時首以誠意進言而其他排和議爭三鎮請一統帥罷奄寺守城以及茶務鹽法轉般糴買坑野盜賊邊防軍制諸議皆於時勢安危言之鑿鑿時受業程子傳之沙縣羅從彥再傳延平李侗三傳而及朱子開閩中道學之派其東林書院存於無錫又爲明

歷代大儒詩鈔

卷二十

楊子

聖

采蘭堂

季講學之宗本不以文章見重而篤實質朴實儒者之言舊版散佚明宏治壬戌將樂縣令李熙重刊併爲十六卷後常州東林書院刊本分爲三十六卷宜興刊本又併爲三十五卷萬曆辛卯將樂縣令林熙春重刊定爲四十二卷此本爲順治庚寅時裔孫令聞所刊其卷帙亦仍熙春之舊時卒於高宗建炎四年其入南宋曰淺故舊日皆系之北宋末然南宋一代之儒風與一代之朝論實皆傳時之緒餘故編錄南宋諸集冠以宗澤見其說不行而偏安之局遂成次之以時見其說一行而講學之風遂熾觀於二集以考驗當年時勢亦可見世變之太凡矣此

四庫著錄考論者也

際岐謹案今坊本龜山集雖始刻

於李熙而李熙又係得之京師翰林吳氏所藏程篁墩敏政學士本程氏又得之館閣本亦止抄得十六卷今坊本載程氏及李熙各撰誌俱詳稱龜山集已五百年不行於世故刊之而此集自熙刻後已屢易版今坊本又其裔孫繩祖康熙年間所刻者是順治時其裔孫令聞所刊本又不可得矣而四十二卷總數及各種文所分之卷數與舊刻無不同又復於簡端列本傳志銘行狀年譜爲首卷焉此外

四庫又另載楊文靖公年譜二卷則

國朝張夏所編也

歷代大儒詩鈔

卷三

楊子

四三

采蘭堂

江南揚州府梅花書院孝廉堂受業諸子重校

歷代大儒詩鈔卷三十

歷代大儒詩鈔卷二十一

滇西趙州後學谷際岐西阿甫彙鈔

受業諸子 男曉全校

尹子

欽定宋史道學列傳

尹焞字彥明一字德充世為洛人曾祖仲宣七子而二子有名長子源字子漸是謂河內先生次子洙字師魯是為河南先生源生林官至虞部員外郎林生焞少師事程頤嘗應舉發策有誅元祐諸臣議焞曰噫尚可以

歷代大儒詩鈔

卷二十一

尹子

一

采蘭堂

于祿乎哉不對而出告頤曰焞不復應進士舉矣頤曰子有母在焞歸告其母陳母曰吾知汝以善養不知汝以祿養頤聞之曰賢哉母也於是終身不就舉焞之從師與河南張繹同時繹以高識焞以篤行頤既沒焞聚徒洛中非吊喪問疾不出戶士大夫宗仰之靖康初种師道薦焞德行可備勸講召至京師不欲畱賜號和靖處士戶部尚書梅執禮御史中丞呂好問戶部侍郎邵溥中書舍人胡安國合奏河南布衣尹焞學窮根本德備中和言動可以師法器識可以任大近世招延之士

無出其右者朝廷宣召而命處士以歸使焯韜藏國器
不爲時用未副陛下側席求賢之意望特加識擢以慰
士大夫之望不報次年金人陷洛焯闔門被害焯死復
甦門人舁置山谷中而免劉豫命僞帥趙斌以禮聘焯
不從則以兵恐之焯自商州奔蜀至闔得程頤易傳十
卦於其門人呂稽中又得全本於其壻邢純拜而受之
紹興四年止於涪涪頤讀易地也闔三畏齋以居邦人
不識其面侍讀范冲舉焯自代授左宣教郎充崇政殿
說書以疾辭范冲奏給五百金爲行資遣漕臣奉詔至

歷代大儒詩鈔

卷二十一

尹子

二

采蘭堂

涪親遣六年始就道作文祭頤而後行先是崇寧以來
禁錮元祐學術高宗渡江始召楊時寅從班召胡安國
居給舍范冲朱震俱在講席薦焯甚力旣召而左司諫
陳公輔上疏攻程氏之學乞加屏絕焯至九江上奏曰
臣僚上言程頤之學惑亂天下焯實師頤垂二十年學
之旣專自信甚篤使焯濫列經筵其所敷繹不過聞於
師者舍其所學是欺君父加以疾病衰耗不能支持遂
留不進胡安國奉祠居衡陽上書言欲使學者蹈中庸
師孔孟而禁不從程頤之學是入室而不由戶朱震引

疾告去時趙鼎去位張浚獨相於是召安國俾以內祠兼侍讀而上章薦焯言其拒劉豫之節且謂其所學所養有大過人者乞令江州守臣疾速津送至國門復以疾辭上曰焯可謂恬退矣詔以祕書郎兼說書趣起之焯始入見就職八年除祕書少監未幾力辭求去上語參知政事劉大中曰焯未論所學淵源足爲後進矜式班列得老成人亦是朝廷氣象乃以焯直徽猷閣主管萬壽觀留侍經筵資善堂翊善朱震疾亟薦焯自代輔臣入奏上慘然曰楊時物故胡安國與震又亡朕痛惜歷代大儒詩鈔

卷二十一

君子

三

采蘭堂

之趙鼎曰尹焯學問淵源可以繼震上指奏牘曰震亦薦焯代資善之職但焯微賸恐教兒費力爾除太常少卿仍兼說書未幾稱疾在告除權禮部侍郎兼侍讀時金人遣張通古蕭哲來議和焯上疏曰臣伏見本朝有遼金之禍亘古未聞中國無人致其猾亂昨者城下之戰詭詐百出二帝北狩皇族播遷宗社之危已絕而續陛下卽位以來十有二年雖中原未復讐敵未殄然而賴祖宗德澤之厚陛下勤苦之至億兆之心無有離異前年徽宗皇帝寧德皇后崩問遽來莫究不豫之狀天

下之人痛心疾首而陛下方且屈意降志以迎奉梓宮
請問諱日爲事今又爲此議則人心日去祖宗積累之
業陛下十二年勤撫之功當決於此矣不識陛下亦嘗
深謀而熟慮乎抑在廷之臣不以告也禮曰父母之讐
不共戴天兄弟之讐不反兵今陛下信讐敵之譎詐而
覲其肯和以紓目前之急豈不失不共戴天不反兵之
義乎又況使人之來以詔諭爲名以割地爲要今以不
戴天之讐與之和臣切爲陛下痛惜之或以金國內亂
懼我襲已故爲甘言以緩王師倘或果然尤當鼓士卒

歷代大儒詩鈔

卷二十一

君子

四

采蘭堂

之心雪社稷之恥尚何和之爲務又移書秦檜言今北
使在廷天下憂憤若和議一成彼日益強我日益怠侵
尋賤削天下有被髮左衽之憂比者竊聞主上以父兄
未返降志辱身於九重之中有年矣然亦自是未聞金
人悔過還二帝於沙漠繼之梓宮崩問不詳天下之人
痛恨切骨金人狼虎貪噬之性不言可見天下方將以
此望於相公覲有以革其已然豈意爲之已甚乎今之
上策莫如自治自治之要內則進君子而遠小人外則
賞當功而罰當罪使主上孝弟通於神明道德成於安

彊勿以小智子義而圖大功不勝幸甚疏及書皆不報
於是焯固辭新命九年以徽猷閣待制提舉萬壽觀兼
侍講又辭且奏言臣職在勸講茂有發明期月之間病
告相繼坐竊厚祿無補聖聰先聖有言陳力就列不能
者止此當去一也臣起自草茅誤膺召用守道之詔形
於訓詞而臣貪戀寵榮遂移素守使朝廷非常不次之
舉獲懷利苟得之人此當去者二也比嘗不量分守言
及國事識見迂陋已驗于今跡其庸愚豈堪時用此當
去者三也臣自擢春官未嘗供職以疾乞去更獲超遷

歷代大儒詩鈔

卷二十一

尹子

五

采蘭堂

有何功勞得以祇受此當去者四也國朝典法揆之禮
經年至七十皆當致仕今臣年齒已及加以疾病血氣
旣衰戒之在得此當去者五也臣聞聖君有從欲之仁
匹夫有莫奪之志今臣有五當去之義無一可留之理
乞檢會累放歸田里疏上以焯提舉江州太平觀引年
告老轉一官致仕焯自入經筵卽乞休致朝廷以禮留
之浚鼎旣去秦檜當國見焯議和疏及與檜書己不樂
至是得求去之疏遂不復留十二年卒當是時學於程
頤之門者固多君子然求質直宏毅實體力行若焯者

蓋鮮頤嘗以魯許之且曰我死而不失其正者尹氏子也其言行見於涪陵記善錄爲詳有論語解及門人問答傳於世

欽定國子監志

國朝雍正二年增祀

詩

謹案和靖先生文集八卷第四卷載詩六首全

鈔

亡姑墓銘詩

嗟夫人之生兮一氣凝乎混茫變而之死兮去不知其

歷代大儒詩鈔

卷二十一

尹子

六

采蘭堂

何鄉唯懿德之在人兮愈久而不忘歸安此室兮其千

萬年無壞傷

過种明逸故居題絕句

少年妄意學經綸老矣空餘此一身面似髑髏頭似雪

卻來巖谷繼前塵

自秦川入蜀道中絕句三首

綠陰深處竹籬遮也有紅花映白花卻憶故鄉鄉相第

何如村舍兩三家

一作不及張三李四家

曉來雨過槐陰潤午霽風搖麥浪寒自愧此身徒擾擾

未知何處可偷安。
南枝北枝春事休。啼鶯乳燕也含愁。朝來回首頻惆悵。
身在秦川最盡頭。

避賊至商山絕句

西來幾被雪霜埋。鴻鴈嗷嗷莫強猜。今朝始踏商山路。
高視浮雲任去來。

欽定

四庫全書載和靖集八卷提要云此集猶相傳舊笈秦

劄三卷詩文三卷其壁帖一卷乃焯手書聖賢治氣

養心之要粘之屋壁以自警惕後人錄之成帙又師

歷代大儒詩鈔

卷二十一

尹子

七

采蘭堂

說一卷則焯平日之緒論而其門人王時敏所編也
考朱子語類謂焯文字有關朝廷者多門人代作今
其孰假孰真已不可考然指授點定亦必焯所自爲
如唐會昌一品集序雖李商隱作而究以鄭亞改本
爲勝正不必盡自己出也詩不多作然如自秦入蜀
道中作頗有詩情焉此

四庫著錄考論者也

際岐

謹案和靖集世傳絕無翰院

所藏底本有之謹就採錄而

四庫又載其著作孟子解二卷云此書之名雖見於陳

振孫書錄解題但原本實已散佚今所收錄乃鷹本

又別載其年譜一卷焉

歷代大儒詩鈔卷二十一

滇西趙州後學谷際岐西阿甫彙鈔

受業諸子 男曉全校

羅子

欽定宋史道學列傳

羅從彥字仲素南劔人以累舉恩爲惠州博羅縣主簿聞同郡楊時得河南程氏學慨然慕之及時爲蕭山令遂徒步往學焉時熟察之乃喜曰惟從彥可與言道於是日益以親時弟子千餘人無及從彥者從彥初見時

歷代大儒詩鈔

卷二十一

羅子懷章

采蘭堂

三日卽驚汗浹背曰不至是幾虛過一生矣嘗與時講易至乾九四爻云伊川說甚善從彥卽鬻田走洛見頤問之頤反覆以告從彥謝曰聞之龜山具是矣乃歸卒業沙縣陳淵楊時之壻也嘗詣從彥必竟曰乃返謂人曰自吾交仲素日聞所不聞奧學清節直南州之冠冕也旣而築室山中絕意仕進終日端坐閒謁時將溪上吟咏而歸恒充然自得焉嘗采祖宗故事爲遵堯錄靖康中擬獻闕下會國難不果嘗與學者論治曰祖宗法度不可廢德澤不可恃廢法度則變亂之事起恃德澤

則驕佚之心生自古德澤最厚莫若堯舜向使子孫可恃則堯舜必傳其子法度之明莫如周向使子孫世守文武成康之遺緒雖至今存可也又曰君子在朝則天下必治蓋君子進則常有亂世之言使人主多憂而善心生故治小人在朝則天下亂蓋小人進則常有治世之言使人主多樂而怠心生故亂又曰天下之變不起於四方而起於朝廷譬如人之傷氣則寒暑易侵木之傷心則風雨易折故內有林甫之姦則外必有祿山之亂內有盧杞之姦則外必有朱泚之叛其論士行曰周

歷代大儒詩鈔

卷二十二

羅子豫章

二

采蘭堂

孔之心使人明道學者果能明道則周孔之心深自得之三代人才得周孔之心而明道者多故視死生去就如寒暑晝夜之移而忠義行之者易至漢唐以經術古文相尚而失周孔之心故經術自董生公孫宏倡之古文自韓愈柳宗元啟之於是明道者寡故視死生去就如萬鈞九鼎之重而忠義行之者難嗚呼學者所見自漢唐喪矣又曰士之立朝要以正直忠厚爲本正直則朝廷無過失忠厚則天下無嗟怨一於正直而不忠厚則漸入於刻一於忠厚而不正直則流入於懦其議論

醇正類此朱熹謂龜山倡道東南士之游其門者甚衆然潛思力行任重詣極如仲素一人而已紹興中卒學者稱之曰豫章先生淳祐閒謚文質

欽定國子監志明萬曆四十二年從祀

國學禮樂錄明神宗萬曆四十二年禮部侍郎孫慎行學臣熊尚文交疏於朝詔與李侗並從祀

孔子稱先儒羅子

國朝因之

詩

歷代大儒詩鈔

卷三十一

羅子豫章

三

采蘭堂

謹案豫章集十卷第十卷內載詩七絕十四首五律二首七律九首五古一首俱分體總詩二十六首今鈔十八首

邀月堂

矮作垣牆小作臺。時邀明月寫襟懷。夜深獨有長庚伴。

不許庸人取次來。

後改云也知鄰鬪非吾事且把行藏付酒杯

延平先生云羅先生山居詩侗記不全今只據追

思得者錄去邀月臺詩云云侗見先生出此語後

兩句不甚愜人意嘗妄意云先生可改下兩句不

甚渾然先生改云也知鄰鬪非吾事且把行藏付

酒杯蓋作此數絕時正靖康間也

送南劔王守歸二首

三年政化被生民。甘雨祥風溢劔津。解組幡然賦歸去。扳轅無計可畱恂。

未把陽關三疊吟。且將謬句寫離心。千尋浩浩鐔溪水。別恨不知誰淺深。

勉李愿中五首

愿中以書求道甚力作詩五首以勉其意然借視聽于聾盲未

知是否今鈔二

彩筆畫空空。不染利刀割水水。無痕人心但得如空水。

歷代大儒詩鈔

卷二十二

羅子豫章

四

采蘭堂

與物自然無怨恩。

吾道當無疑于物

權門來往絕行跡。一片閒雲過九峯。不似在家貧亦好。水邊林下養疎慵。

自述

松菊相親莫厭頻。紛紛人世只紅塵。自憐寡與真堪笑。賴有清風是故人。

題一鉢菴

可憐萱草信無憂。誰謂幽蘭解結愁。欲得才田斷荆棘。

只消一作祇應長伴赤松遊。

換吉溪吳助教二首

室富真儒業。門多長者車。明經方教子。得第已榮家。性
守仍知分。天然不愛奢。百年成古昔。行路亦咨嗟。
新生誇躑躅。舊德嘆彫零。冷帶商巖月。光凌處土星。布
衣難得祿。白首易窮經。追想今何在。溪流對洞庭。

寄傲軒用陳默堂韻

自嗟踽踽復涼涼。糊口安能仰四方。目送歸鴻心自遠。
門堪羅雀日偏長。家徒四壁樽仍綠。侯戶千頭橘又黃。
我醉欲眠卿且去。肯陪俗客語羲皇。

歷代大儒詩鈔

卷二十一

羅子豫章

五

采蘭堂

濯纓亭用陳默堂韻

十載猶緇京洛塵。歸與那復廁朝紳。君今談笑青油幕。
我但巍峩烏角巾。江漢更從尼父濯衣冠。寧羨屈原新
欲賡孺子滄浪詠。會意須還舍瑟人。

題靜亭

鼎創新亭靜更幽。四時景象鎮長留。端如和氣裏談笑。
恍若春風中泳游。排闥山供藍色重。憑欄水擁壁光浮。
我來登賞無窮趣。好把詩篇與唱酬。

送延年行

延年弟子也。不知何姓。以詩辭歸先
生。用韻以餞其行。或曰。年與平字畫

相似疑卽延年
謂李愿中也

聖言天遠海潭潭。獨在潛心久泳涵。猥念百家非己好。
妄將一貫與君談。賢如賜也才知二。學若陳亢只得三。
此道悟來因自足。卻隨鵬鳥話圖南。

再用韻送延年

心源寂靜映寒潭。每欲操存更養涵。顧我日思扳劇論。
荷君時與得高談。眼前舊識知多少。物外深交沒二三。
幸久相親頻握手。遽成分別又東南。

和延年岩桂

歷代大儒詩鈔

卷二十二

羅子豫章

六

采蘭堂

幾樹芬芳檀與沉。枝枝若占邨家林。風搖已認飄殘菊。
日照渾疑綴散金。仙窟移來成美景。東堂分去結清陰。
我今不願蟾宮折。待到蟾宮向上吟。

題德士退菴

牛頭山頂鎖煙霞。簷月松風卽我家。筏渡有情新活計。
袋空無物舊生涯。已將黃葉分雙手。卻攜白茅占一窠。
會得懶慵歸去路。索然忘鳥更忘花。

賀田溪張公遷居

華構經營占地靈。濃嵐環合數峯青。荀完公子方成室。

趨訓兒孫已過庭。豈止一時誇壯麗。定知百世享安寧。
顧惟善頌非張老。祇貢湯盤往日銘。

和張公叙別古風

良工創新第。瀟洒侔洞府。經營未畢工。四面方興堵。蛟
龍忽夜徙。空中震雷雨。親舊賀于門。主人迎孔戶。連喚
鳳兒來。藏書多幾部。爲我張廣筵。酌賓酌以旅。人謂主
公賢。敦朴嗤峻宇。規模出心匠。務卑由乃祖。欲圖久安
逸。勿辭暫勞苦。忠孝闡家門。詩禮光族緒。居室云苟完。
謙冲彌自處。玉石不分別。鶴雞謾爲侶。顧予局促輩。鄉
歷代大儒詩鈔

卷十一

羅子豫章

七

采蘭堂

評少推許。嘗遊莊嶽間。喜作齊人語。何幸天相之幡然。
交鄒魯。早年欽大名。馳書聊以序。北來揖清風。談笑揮
玉塵。見之名利盡。久侍豈無補。素志以深酬。青眼猶相
與。默念湯盤頌。未爲傾肺腑。何當惠古風。錦綉施牋楮。
妙曲誠寡和。取則憑柯斧。

先生白雲亭獨寐。龕寄傲軒皆有詩及銘記數篇。
以紙蠹朽錄不能全。俟後搜尋真本當得其錄。岢
嘉定己卯中春屏山羅棠君美敬書

欽定四庫全書載豫章集十七卷提要云元至正三年延平

進士曹道振所編道振原序稱郡人許源堂刻其遺集五卷近得邑人吳紹宗稿釐爲二十三卷附錄二卷外集一卷年譜一卷凡十八卷此本乃明代重刻前有成化八年張泰序後有嘉靖甲寅謝鸞跋其書係遵堯錄八卷集二程及龜山語錄一卷雜著二卷詩一卷附錄三卷外集一卷以年譜別置於前不入卷數故題爲十七卷然第一卷雖列經解之目而其文久佚有錄無書實止十六卷而已此

四庫著錄考論者也

際岐

謹案今本除本傳年譜仍居

首不入卷數外餘止十卷一之八爲遵堯錄九爲議論要語十爲雜著及詩章而集二程龜山語錄與附錄外集俱無乃

歷代大儒詩鈔

卷三十一

羅子豫章

八

采蘭堂

國朝康熙四十八年儀封張氏伯行重訂首列伯行序次載成化七年柯潛序亦稱原集係元曹道振所編爲重加考訂刻版以傳又載隆慶五年歐陽佑序稱舊集年久漫漶先生裔孫文明取而新之而序內亦止列遵堯錄議論要語雜著題詠凡四種與今坊本所載同則今本卽隆慶時鐫不但無元時原刻而亦並非

四庫所錄成化之舊矣

歷代大儒詩鈔卷二十一

滇西趙州後學谷際岐西阿甫彙鈔

受業諸子 男瞻全校

胡子

欽定宋史儒林列傳

胡安國字康侯建寧崇安人入太學以程頤之友朱長文及穎川靳裁之爲師裁之與論經史大義深竒重之三試于禮部中紹聖四年進士第初廷試考官定其策第一宰職以無詆元祐語遂以何昌言冠方天若次之

歷代大儒詩鈔

卷三十三

胡子文定

一 采蘭堂

又欲以宰相章惇子次天若時發策大要崇復熙寧元豐之制安國推明大學以漸復三代爲對哲宗命再讀之注聽稱善者數四親擢爲第三爲太學博士足不躡權門提舉湖南學事有詔舉遺逸安國以永州布衣王繪鄧璋應詔二人老不行安國請命之官以勸爲學者零陵簿稱二人黨人范純仁客而流人鄒浩所請託也蔡京素惡安國與己異得簿言大喜命湖南提刑置獄推治又移湖北再鞫卒無驗安國竟除名未幾簿以他罪抵法臺臣直前事復安國元官政和元年張商英相

除提舉成都學事二年丁內艱移江東父沒終喪謂子
第曰吾昔爲親而仕今雖有祿萬鍾將何所施遂稱疾
不仕築室墓傍耕種取給蓋將終身焉宣和末李彌大
吳敏譚世勤合薦除屯田郎辭靖康元年除太常少卿
辭除起居郎又辭朝旨屢趣行至京師以疾在告一日
方午欽宗亟召見安國奏曰明君以務學爲急聖學以
正心爲要心者萬事之宗正心者揆事宰物之權願擢
名儒明於治國平天下之本虛懷訪問闡發獨智又言
爲天下國家必有一定不可易之計謀議既定君臣固

歷代大儒詩鈔

卷十三

胡子文定

二

采蘭堂

守故有志必成治功可立今南向視朝半年矣而紀綱
尙紊風俗益衰施置乖方舉動煩擾大臣爭競而朋黨
之患萌百執窺覷而浸潤之姦作用人失當而名器愈
輕出令數更而士民不信若不掃除舊跡乘勢更張竊
恐大勢一傾不可復正乞訪大臣各令展盡底蘊畫一
具進先宣示臺諫使隨事疏駁若大臣議紬則參用臺
諫之言若疏駁不當則專守大臣之策仍集議于朝斷
自宸衷按爲國論以次施行敢有動搖必罰無赦庶幾

新政有經可冀中興欽宗曰比畱詞掖相待已命召卿

試矣語未竟日昃暑甚汗洽上衣遂退時門下侍郎耿南仲倚攀附恩凡與己不合者卽指爲朋黨見安國論奏愠曰中興如此而曰績效未見是謗聖德也乃言安國意窺經筵不宜召試欽宗不答安國屢辭南仲又言安國不臣欽宗問其狀南仲曰往不事上皇今又不事陛下欽宗曰渠自以病辭初非有向背也每臣僚登對欽宗卽問識胡安國否中丞許翰曰自蔡京得政士大夫無不受其籠絡超然遠跡不爲所污如安國者實鮮欽宗嘆息遣中書舍人晁說之宣旨令勉受命且曰他

歷代大儒詩鈔

卷三

胡子文定

三

采蘭堂

日欲去卽不彊畱旣試除中書舍人賜三品服南仲諷臺諫論其稽命不恭宜從黜削疏奏不下安國乃就職南仲旣傾宰相吳敏樞密使李綱又謂許景衡晁說之視大臣爲去就懷姦徇私並黜之安國言二人爲去就必有陳論懷姦徇私必有實跡乞降付本省載諸詞命不報葉夢得知應天府坐爲蔡京所知落職奉祠安國言京罪己正子孫編置家財没入己無蔡氏矣則向爲京所引者今皆朝廷之人若更指爲京黨則人才見棄者衆黨論何時而弭乃除夢得小郡中書侍郎何臬建

議分天下爲四道置四都總管各付一面以衛王室捍
疆敵安國言內外之勢適平則安偏重則危今州郡太
輕理宜通變一旦以二十三路之廣分爲四道事得專
決財得專用官得辟置兵得誅賞權恐太重萬一抗衡
跋扈何以待之乞据見今二十三路帥府選擇重臣付
以都總管之權專治軍旅或有警急卽各率所屬守將
應援則一舉兩得矣尋以趙野總北道安國言魏都地
重野必誤委寄是冬金人大入野遁爲羣盜所殺西道
王襄擁衆不復北顧如安國言李綱罷中書舍人劉珏
歷代大儒詩鈔 卷三
三 胡子文定
四 采蘭堂

行詞謂綱勇於報國數至敗衄吏部侍郎馮澥言珏爲
綱遊說珏坐貶安國封還詞頭以爲侍從雖當獻納至
於彈擊官邪必歸風憲今臺諫未有緘默不言之咎而
澥越職此路若開臣恐立於朝者各以好惡脇持傾陷
非所以靖朝著南仲大恐何臬從而擠之詔與郡臬以
安國素苦足疾而海門地卑溼乃除安國右文殿修撰
知通州安國在省一月多在告之日及出必有所論列
或曰事之小者盍姑置之安國曰事之大者無不起於
細微今以小事爲不必言至於大事又不敢言是無時

而可言也安國旣去逾旬金人薄都城子寅爲郎在城中客或憂之安國愀然曰主上在重圍中號令不出卿大夫恨效忠無路敢念子乎敵圍益急欽宗卽召安國及許景衡詔竟不達高宗卽位以給事中召安國言昨因繳奏徧觸權貴今陛下將建中興而政事弛張人才升黜尚未合宜臣若一一行其職守必以妄發干犯典刑黃潛善諷給事中康執權論其託疾罷之三年樞密張浚薦安國可大用再除給事中賜其子起居郎寅手札令以上意催促旣次池州聞駕幸吳越引疾還紹興

歷代大儒詩鈔

卷二十一

胡子文定

五

采蘭堂

元年除中書舍人兼侍講遣使趣召安國以時政論二十一篇先獻之論入復除給事中二年七月入對高宗曰聞卿大名渴於相見何爲累詔不至安國辭謝乞以所進二十一篇者施行其論之目曰定計建都設險制國卹民立政覈實尙志正心養氣宏度寬隱論定計略曰陛下履極六年以建都則未有必守不移之居以討賊則未有必操不變之術以立政則未有必行不反之令以任官則未有必信不疑之臣舍今不圖後悔何及論建都謂宜定都建康以比關中河內爲興復之基論

設險謂欲固上流必保漢沔欲固下流必守淮泗欲固中流必以重兵鎮安陸論立志謂當必志於恢復中原祇奉陵寢必志於掃平讎敵迎復兩宮論正心謂戡定禍亂雖急於戎務而裁決戎務必本於方寸願選正臣多聞識有志慮敢直言者置諸左右曰夕討論以宅厥心論養氣謂用兵之勝負軍旅之彊弱將帥之勇怯係人君所養之氣曲直何如願彊於爲善益新厥德使信於諸夏聞於夷狄者無曲可議則至剛可以塞兩間一怒可以安天下矣安國嘗謂雖諸葛復生爲今日計不

歷代大儒詩鈔

卷三

胡子文定

六

采蘭堂

能易此論也居旬日再見以疾懇求去高宗曰聞卿深於春秋方欲講論遂以左氏傳付安國點句正音安國奏春秋經世大典見諸行事非空言比今方思濟艱難左氏繁碎不宜虛費光陰耽玩文采莫若潛心聖經高宗稱善尋除安國兼侍讀專講春秋時講官四人援例乞各專一經高宗曰他人通經豈安國比不許會除故相朱勝非同都督江淮荆浙諸軍事安國奏勝非與黃潛善及汪伯彥同在政府緘默附會循致渡江尊用張邦昌結好金國淪滅三綱天下憤鬱及正位冢司苗劉

肆逆貪坐苟容辱逮君父今疆敵憑陵叛臣不忌用人
得失係國安危深恐勝非上誤大計勝非改除侍讀安
國持錄黃不下左相呂頤浩特令校正黃龜年書行安
國言有官守者不得其職則去臣今待罪無補既失其
職當去甚明況勝非係臣論列之人今朝廷乃稱勝非
處苗劉之變能調護聖躬昔公羊氏言祭仲廢君爲行
權先儒力排其說蓋權宜廢置非所施於君父春秋大
法尤謹於此建炎之失節者今雖特釋而不問又加選
擢習俗旣成大非君父之利臣以春秋之時而與勝非
歷代大儒詩鈔

卷三

胡子文定

七

采蘭堂

爲列有違經訓遂臥家不出初頤浩都督江上還朝欲
去異己者未得其策或教之指爲朋黨且曰黨魁在瑣
闥當先去之頤浩大喜卽引勝非爲助而降旨曰胡安
國屢召偃蹇不至今始造朝又數有請初言勝非不可
同都督及改命經筵又以爲非豈不以時艱不肯盡瘁
乃欲求微罪而去其自爲謀則善如國計何落職提舉
僊都觀是夕彗出東南右相秦檜三上章乞留之不報
卽解相印去侍御史江躋上疏極言勝非不可用安國
不當責右司諫吳表臣亦言安國扶病見君欲行所學

今無故罪去恐非所以示天下不報頤浩卽黜給事中程瑀起居舍人張燾及躋等二十餘人云應天變除舊布新之象臺省一空勝非遂相安國竟歸五年除徽猷閣待制知永州安國辭詔以經筵舊臣重閔勞之特從其請提舉江州太平觀令纂修所著春秋傳書成高宗謂深得聖人之旨除提舉萬壽觀兼侍讀未行諫官陳公輔上疏詆假託程頤之學者安國奏曰孔孟之道不傳久矣自頤兄弟始發明之然後知其可學而至今使學者師孔孟而禁不得從頤學是入室而不由戶本朝歷代大儒詩鈔

卷十一

三
胡子文定

八

采蘭堂

自嘉祐以來西都有邵雍程顥及其弟頤關中有張載皆以道德名世公卿大夫所欽慕而師尊之會王安石蔡京等曲加排抑故其道不行望下禮官討論故事加之封爵載在紀典比於荀楊韓氏仍詔館閣襲其遺書校正頒行使邪說者不得作奏入公輔與中丞周祕侍御史石公揆承望宰相風旨交章論安國學術頗僻除知永州辭復提舉太平觀進寶文閣直學士卒年六十五詔贈四官又降詔加賻賜田十頃恤其孤諡曰文定蓋非常格也安國彊學力行以聖人爲標的志於康濟

時艱見中原淪沒遭黎塗炭常若痛切於其身雖數以
罪去其愛君憂國之心遠而彌篤每有君命卽置家事
不問然風度凝遠蕭然塵表視天下萬物無一足以嬰
其心自登第迄謝事四十年在官實厯不及六載朱震
被召問出處之宜安國曰子發學易二十年此事當素
定矣世間惟講學論政不可不切切詢究至於行已大
致去就語默之幾如人飲食其饑飽寒溫必自斟酌不
可決諸人亦非人所能決也吾平生出處皆內斷於心
浮世利名如蟻蠅過前何足道哉故渡江以來儒者進
歷代大儒詩鈔

卷三

三
胡子文定

九

采蘭堂

退合義以安國尹焯爲稱首侯仲良言必稱二程先生
他無所許可後見安國嘆曰吾以爲志在天下視不義
富貴真如浮雲者二程先生而已不意復有斯人也安
國所與游者游酢謝良佐楊時皆程門高第良佐嘗語
人曰胡康侯如大冬嚴雪百草萎死而松柏挺然獨秀
者也安國之使湖北也時方爲府教授良佐爲應城宰
安國質疑訪道禮之甚恭每來謁而去必端笏正立目
送之自王安石廢春秋不列於學官安國謂先聖手所
筆削之書乃使人主不得聞講說學士不得相傳習亂

倫滅理夏變於夷殆由乎此故潛心是書二十餘年以爲天下事物無不備於此每嘆曰此傳心要典也安國少欲以文章名世既學道乃不復措意有文集十五卷資治通鑑舉要補遺一百卷三子寅宏寧

欽定國子監志元至正二十二年封建國公贈太師予祀

於鄉正統二年從祀成化三年封建寧伯

國學禮樂錄正統二年從祀

孔廟成化三年追封建寧伯嘉靖九年稱先儒胡子

國朝因之

歷代大儒詩鈔 卷三

胡子文定

十 采蘭堂

詩

謹案宋史稱文定胡子文集十五卷世傳未見

四庫亦未收宋詩紀事亦稱有武夷集而其所載

詩二首又皆採自他書則其集未見可知今力

求無獲爲先將此三首鈔入俟再求續刊

舟入荆江東赴建康

長沙渺渺接天浮萬古朝宗日夜流洲在尚傳鸚鵡賦

臺高應見鳳凰遊路經赤壁懷公瑾水到柴桑憶仲謀

白日幸無雲物蔽好看澄景對高秋 濂洛風雅

嚴陵釣臺

歸隱桐江知幾春。靜看浮世一鷗輕。此心在世原無著。誤說持竿是釣名。
釣臺集

題雀白暄晴圖

黑頭禽笑白頭禽。頭白初因計慮深。棲向柳邊尤不穩。從風斜折更關心。
式古堂畫考

欽定

四庫全書無文定胡子文集而祇載胡氏春秋傳三十卷云玉海載紹興五年詔徽猷閣待制胡安國乃經筵舊臣令以所著春秋傳纂述成書進入十年三月

歷代大儒詩鈔

卷三十一

胡子文定

十一

采蘭堂

書成上之有詔獎諭除寶文閣直學士賜銀幣是安國此書久已屬稿自奉勅撰述又覆訂五年而後成也俞文豹吹劍錄稱其自草創至於成書初稿不畱一字其用意亦勤矣其書作於南渡之後故感激時事往往借春秋以寓意不必一一悉合經旨朱子語錄謂胡氏春秋傳有牽強處然議論有開閣精神亦千古定評也明初定科舉之制大約承元舊式宗法程朱而程子春秋傳僅成二卷原屬闕略朱子亦無成書於是以前安國之學出程氏張洽之學出朱氏故春秋定用二家後洽傳漸不行遂獨用安國書

本朝敦崇經術

欽定春秋傳說彙纂每於安國舊說多所辨正擷其精粹已足綜括全書謹校而錄之此

四庫著錄考論者也際岐謹案文定有武夷集力求未獲當俟再訪云

歷代大儒詩鈔

卷三十三

胡子文定

十二 采蘭堂



欽定春秋傳說彙纂

四庫著錄考論者也際岐謹案文定有武夷集力求未獲當俟再訪云

歷代大儒詩鈔

欽定春秋傳說彙纂每於安國舊說多所辨正擷其精粹已足綜括全書謹校而錄之此

歷代大儒詩鈔卷二十一

四

滇西趙州後學谷際岐西阿甫彙鈔

受業諸子 男 龔 仝 校

李子

欽定宋史道學列傳

李侗字愿中南劍州劍浦人年二十四聞郡人羅從彥得河洛之學遂以書謁之其略曰侗聞之天下有三本焉父生之師教之君治之闕其一則本不立古之聖賢莫不有師其肄業之勤惰涉道之淺深求益之先後若

歷代大儒詩鈔

卷三十一

李

一

采蘭堂

存若亡其詳不可得而考惟洙泗之間七十二弟子之徒議論問答且在方冊有足稽焉是得夫子而益明矣孟氏之後道失其傳枝分派別自立門戶天下真儒不復見於世其聚徒成羣所以相傳授者句讀文義而已爾謂之熄焉可也其惟先生服膺龜山先生之講席有年矣况嘗及伊川先生之門得不傳之道於千五百年之後性明而修行完而潔擴之以廣大體之以仁恕精深微妙各極其至漢唐諸儒無近似者至於不言而飲人以和與人並立而使化如春風發物蓋亦莫知其

所以然也凡讀聖賢之書粗有識見者孰不願得授經門下以質所疑至於異論之人固當置而勿論也侗之愚鄙徒以習舉子業不得服役於門下而今日拳拳欲求教者以謂所求有大於利祿也抑侗聞之道可以治心猶食之充飽衣之禦寒也人有迫於饑寒之患者皇皇焉爲衣食之謀造次顛沛未始忘也至於心之不治有沒世不知慮豈愛心不若口體哉弗思甚矣何不量資質之陋徒以祖父以儒學起家不忍墜箕裘之業孜孜矻矻爲利祿之學雖知真儒有作聞風而起固不若歷代大儒詩鈔

卷三

四

二

采蘭堂

先生親炙之得於動靜語默之間目擊而意全也今生二十有四歲茫乎未有所止燭理未明而是非無以辨宅心不廣而喜怒易以搖操履不完而悔吝多精神不充而知巧襲揀焉而不淨守焉而不敷朝夕恐懼不啻如饑寒切身者求充饑禦寒之具也不然安敢以不肖之身爲先生之累哉從之累年授春秋中庸語孟之說從彥好靜坐侗退入室亦靜坐從彥令靜中看喜怒哀樂未發前氣象而求所謂中者久之而於天下之理該攝洞貫以次融釋各有條序從彥亟稱許焉旣而退居

山田謝絕世故餘四十年食飲或不充而怡然自適事親孝謹仲兄性剛多忤同事之得其權心閨門內外夷愉肅穆若無人聲而衆事自理親戚有貧不能婚嫁者則爲經理振助之與鄉人處飲食言笑終日油油如也其接後學答問不倦雖隨人淺深施教而必自反身自得始故其言曰學問之道不在多言但默坐澄心體認天理若是雖一毫私欲之發亦退聽矣又曰學者之病在於未有洒然冰解凍釋處如孔門諸子羣居終日交相切磨又得夫子爲之依歸日用之間觀感而化者多

歷代大儒詩鈔

卷二十一

四
李子

三

采蘭堂

矣恐於融釋而不脫落處非言說所及也又曰讀書者知其所言莫非吾事而卽吾身以求之則凡聖賢所至而吾所未至者皆可勉而進矣若直求之文字以資誦說其不爲玩物喪志者幾希又曰講學切在深潛縝密然後氣味深長蹊徑不差若槩以理一而不察其分之殊此學者所以流於疑似亂真之說而不自知也嘗以黃庭堅之稱濂溪周茂叔胸中灑落如光風霽月爲善形容有道者氣象嘗諷誦之而顧謂學者存此於胸中庶幾遇事廓然而義理少進矣其語中庸曰聖門之傳

是書其所以開悟後學無遺策矣然所謂喜怒哀樂未發謂之中者又一篇之指要也若徒記誦而已則亦奚以爲哉必也體之於身實見是理若顏子之歎卓然若有所見而不違乎心目之間然後擴充而往無所不通則庶乎其可以言中庸矣其語春秋曰春秋一事各是發明一例如觀山水徙步而形勢不同不可拘以一法然所以難言者蓋以常人之心推測聖人未到聖人灑然處豈能無失耶侗旣閒居若無意當世而傷時憂國論事感激動人嘗曰今日三綱不振義利不分三綱不

歷代大儒詩鈔

卷王

四
李予

四

采蘭堂

振故人心邪僻不堪任用是致上下之氣閒隔而中國日衰義利不分故自王安石用事陷溺人心至今不自知覺人趨利而不知義則主勢曰孤人主當於此留意不然則是所謂雖有粟吾得而食諸也是時吏部員外郎朱松與侗爲同門友雅重侗遣子熹從學熹卒得其傳沙縣鄧迪嘗謂松曰愿中如冰壺秋月瑩徹無瑕非吾曹所及松以謂知言而熹亦稱侗姿稟勁特氣節豪邁而充養完粹無復圭角精純之氣達於面目色温言厲神定氣和語默動靜端詳閒泰自然之中若有成法

平日恂恂於事若無甚可否及其酬酢事變斷以義理
則有截然不可犯者又謂自從侗學辭去復來則所聞
益超絕其上達不已如此侗子友直信甫皆舉進士試
吏旁郡更請迎養歸道武夷會閩帥汪應辰以書幣來
迎侗往見之至之日疾作遂卒年七十有一信甫仕至
監察御史出知衢州擢廣東江東憲以特立不容於朝
云

欽定國子監志元至正二十二年封越國公贈太師祀於

鄉明萬歷四十二年從祀

歷代大儒詩鈔

卷十一

四

李子

五

采蘭堂

國學禮樂錄明萬歷四十二年從禮臣孫慎行學
臣熊尚文之請詔從祀稱先儒李子

國朝因之

謹案年譜
諡文靖

詩

謹案李子之書有延平答門廼講學之言未有
詩文其世稱延平文集一卷

四庫謂係其裔孫葆初掇拾竄亂而止存其目世
亦未見其本惟宋詩紀事載其一首亦稱採自

他書今爲鈔入

和靜菴山居

勝如城市宅。花木擁簷前。一雨曉來過。羣峯翠色鮮。採
荆烹白石。接竹引清泉。車馬長無跡。逍遙樂葛天。延平府志

欽定四庫全書載延平答問一卷提要云朱子撰程子之學

一傳爲楊時再傳爲羅從彥又再傳爲李侗侗於朱

子爲父執紹興二十三年朱子年二十四歲將赴同

安主簿任往見侗於延平始從授學紹興三十年冬

同安任滿再見侗僅留月餘又閱四載而侗歿前後

相從不過數月故書札往來問答爲多後朱子輯而

錄之又載其與劉平甫二條以成是書朱子門人又

歷代大儒詩鈔

卷三

四

李亨

六

采蘭堂

取朱子平昔論延平語及祭文行狀別爲一卷題曰
附錄明非朱子原本所有也後侗裔孫葆初別掇拾
侗之諸文增入一卷改題曰延平文集且總題爲朱
子所編殊失其舊今仍錄答問原本而葆初竄亂之
本別存目於集部焉此

四庫著錄考論者也

勝城

謹案今本一卷上卷即原傳本下卷

則明宏治間大參琴川周木所補輯故各曰補錄非

原本所有也備考今本所載有宋嘉定甲戌趙師夏

序稱北海王耕道攝郡姑孰刊之郡齋又明宏治乙

卯周木序稱求得嘉定間刻本校正比近本旣多後

錄而復僭爲補錄附刻又載康熙丙戌知延平府周

元文序乾隆己未南平儒學平川鍾紫幃序乾隆十三年知延平縣滇南蘇渭生序各皆著其版缺補刻之由是此書之刻始於宋嘉定間但有正編與後錄今校諸翰院所藏底本卽此其補錄則明時始著而合梓之歷明至今屢次補刻又此本也而今本又附刻楊羅李朱四先生年譜考各序文乃康熙丙午社臺晉陵毛氏念特所手輯而裔孫騰輝梓之者也至文集則

四庫已明稱其裔孫葆初所增爲竄亂而止存其目今本亦稱久佚無存則無文集可知矣

歷代大儒詩鈔

卷三

四 李予

七

采蘭堂

江南揚州府梅花書院孝廉堂受業諸子重校

歷代大儒詩鈔卷二十一

